

四庫全書

子部

欽定四庫全書

御定淵鑑類函卷一百六十八

禮儀部十五

六宗 五祀
四望 山川

六宗

原游神

漢郊祀志或曰六宗者天地之間游神也

尊氣

文獻通考平帝時王莽奏日月雷風

山澤易卦六子之尊氣所謂六宗也
星辰水火溝瀆皆六宗之屬也

貴祀

新禮

晉摯虞祀

六宗奏漢魏相仍著為貴祀
宜定新禮祀六宗如舊

漢立壇

通典漢興于甘泉汾陰立壇禮六宗

晉罷祀

魏明帝立六宗祀祀六子之神晉罷其祀

四品樂

禮儀志奏六宗樂用四品

樂

一位祭

玉海後魏孝文太和十三年高閭曰六宗之祀莫能詳究遂別立六宗之兆總為一

之位祭

原所宗者六

尚書禮于六宗孔安國傳所宗者六皆潔祀之祭法埋少牢于太昭

祭時也相近于坎壇祭寒暑也王宮祭日也夜明祭月也幽榮祭星也雩榮祭水旱也

所尊者

六

張純六宗表臣竊以十一家凡有六統而所據各異考之經理大義不通臣謂禮于六宗祀祖考所尊者

六宗則三

乾坤甲子

聖政論魏明帝問王肅六宗竟幾對曰坎為水離為火震為雷

巽為風艮為山兌為澤乾坤六甲子也

天地尊神

五經典義古尚書說六宗者天地屬神之

尊者謂天宗三地宗三天宗日月北辰也地宗岱山河海也日月為陰陽宗北辰為星宗岱為山宗河為水宗

海為澤宗也祀天則天文從祀地則地理從也

沖和之氣

晉摯虞新禮議萬物負陰抱陽陰陽

本于太極六宗者太極
沖和之氣六氣之宗也

太中之象

後漢祭祀志言天
地者莫大于周易

無六宗大中之象若信為天地四方所宗是
至大也而比太社又為失所難以為誠矣

增李邵

之議

玉海漢元初六年司空李邵侍
南郊不見六宗祠奏復舊制焉

摯虞之奏

見前

六為地數

玉海六為地
數宗尊也

卦是物象

章俊卿考索周禮
以實柴祀日月星

辰則星辰非六宗矣
卦是物象不應祭之

班與社同

神與社異

摯虞祀
六宗奏

周禮肆師職用牲于社宗黨正職春秋祭禋亦如之肆
師之宗與社並列則班與社同也黨正之宗文不繫社

則神與
社異也

六代為宗

裨編張廸以六
代帝王為六宗

百神之尊

後魏
裨編

孝文帝以天皇大帝五帝為六宗于義為當何者周禮
以裡祀昊天上帝則裡祀在祀天不屬別神又司服祀

昊天上帝大裘而冕祀五帝亦如之
昊天上帝乃百神之尊宗之義也

祈禱之祭
玉廉文衡

鄭玄注祭法以六宗皆祈禱之祭

名實之說

文獻通考按夏侯歐陽說云宗實一而有六名

實不相應

原安帝禮比太社

後漢祭祀志安帝即位元初六年以尚書歐陽家說謂六

宗者在天地四方之中為上下四方之宗以元始中故事謂六宗易六子之氣日月雷公風伯山澤者為非是

三月庚辰初更立六宗祀于雒陽西北戌亥之地禮比太社

建武復祭洛陽

東觀漢記

孝成時匡衡奏立北郊復祠六宗至建武都雒陽制郊祀六宗廢不血食大臣上疏謂宜復舊上從公議由是

遂廢六宗

不及天下不及地

五經典義今尚書歐陽夏侯說六宗者上不及天下

不及地旁不及四方居六者之間陰陽變化有益于人郊并祭之

非天不生非地不

載

尚書大傳萬物非天不生非地不載非春不動非夏不長非秋不收非冬不藏故書曰禮于六宗

增兩曜合璧不為薄蝕之虧 五星連珠詎有欃槍之

孽 攻之于葭灰不愆于候 調之以玉燭無奪其倫

時當元律無墮指以成災 節變朱明曷流金之足

畏 妖魃不生乎災熾 商羊自屏于滂沱

已上見唐文粹王起

禮六宗賦

五祀

增本事

禮運五祀所以本事也

擇正

晉傅玄五祀議帝之都城宜祭一門正宮一門正室

一戶井竈中雷各擇其一正者祭之

造祭

文獻通考魏武皇始定天下復興舊祀而造祭五祀門戶

井竈中

通祭

明用周制惟祭五祀于歲終賜享通祭于廟門外

殷于廟

雷也

周于宮

正義祭五祀于廟者殷禮于宮者周禮

開元祭

文獻通考唐開元制禮祭五祀

各因時享祭于廟廷

建武祀

又曰漢建武初有五祀有司掌之人家祀山神門戶

享廟

日黃郊日

又曰隋制司命戶以春竈以夏門以秋井以冬各以享廟日中雷則以季夏祀黃郊

日順五行

賦珍五行所以歲一編何順五行也

祀四叔

左傳魏獻子問于蔡墨曰

社稷五祀誰氏之五官也蔡墨對曰少皞氏有四叔

原天子祭

曲禮天子祭天地祭四方祭山

川祭五祀歲編

諸侯立

祭法諸侯自為立五祀

五行之官

漢舊儀五行

之官金木水火土也木正曰勾芒火正曰祝融金正曰
蓐收水正曰元冥土正曰后土皆古賢能治成五行有
功者也主
其神祀之
五色之帝聖政論鄭衆云五祀五
色之帝于王者宮中
祈于

五祀周禮小子職掌珥于社稷祈于五祀鄭康成云珥
讀為蜎蜎祈或為劓劓蜎蜎禮之事也用毛牲曰劓

羽牲曰蜎蜎創社稷五
祀謂始成其宮兆時也
臘于五祀月令孟冬之月臘
先祖五祀注臘者

獵也田獵取獸以祭其先祖也或曰臘
者接也新故交接也故大祭以報功也
因四時牲虎

通五祀門戶井竈中雷也人之所處出入所飲食故為
神而祀之祭五祀天子諸侯以牛卿大夫以羊一說戶

以羊竈以雉中雷以
豚門以犬井以豕
迎四時氣周禮大宗伯之職以
血祭祭社稷五祀鄭

注陰祀自血起貴氣臭也五祀者五官之神在四郊四
時迎五行之氣于四郊祭五德之帝亦食此神為少昊

之子曰重為勾芒食于木該為蓐牧食于金傭及熙為元冥食于水顓頊之子曰黎為祝融后土食于火土

增殯祭三飯

曾子問既殯而祭五祀尸入三飯

執薦百人

文獻通考荀卿

謂五祀執薦者百人侍西房侍西房則五祀非四方之五官侍必百人則五祀非門戶之類

五祀

有尸

朱熹語錄問五祀皆有尸竈則以誰為尸曰今亦無可考但如墓祭以冢人為尸以此推之則祀竈

之尸必是膳夫之類祀門之尸必是閭人之類又如祀山川必虞衡之類是也

五祀有配

文獻

通考老婦之祭先儒以為竈配則五祀固有配矣

廢行祀井

除井祀行

文獻

通考秦靜云月令謂行在井是以時俗或廢行而祀井魏武興復舊祀而祭門戶井竈中雷高堂生月令仲冬

祀四海井泉祭井是從小類不列五祀儒家誤以井于五祀宜除井而祀行

禮輕社稷

白虎

通漢五祀戶一竈二門三井四
中雷五歲一徧禮頗輕于社稷

時享太廟

文獻通考
隋唐祀五

祀于太廟以時享
祖宗之時並祭之

病禱五祀

儀禮士病
禱五祀

兼祭五祀

八編類纂明于四孟享太廟各祭其一歲暮命官兼祭
又每藩王來朝之國皆設祭于承天門外雖曰門祭然

即古人較
行之祀也

不及司命

曲禮禮運皆云
五祀不及司命

不行飲福

文獻

通考宋制春祀司命及戶夏祀竈季夏祀中
雷秋祀門及厲冬祀行為小祀不行飲福

天子止

五祀士亦傳五祀

又曰周官天子亦止五祀儀禮雖
士亦傳五祀祭法自七祀推而下

之至于適士二庶士
庶人一祀非周禮也

四望

原掌四望

于周禮小宗伯之職掌兆五帝

旅四望

又大宗伯

之職國有大故則旅上帝及四望鄭注故謂凶歲旅陳也陳其祭祀以祈焉禮不如祀之備也鄭司農云四望

為日月星海康成謂四望五嶽四鎮四瀆

望祭

五經異義望祭河海太山日月星也

秩祭

公羊傳僖公三十有一年夏四月四卜郊不從乃免牲猶三望三望者何望祭也然則曷祭祭太山河海山川有能潤于百里者天子秩而祭之大磬以祀周禮大司樂乃奏姑洗

望鄭注姑洗陽聲第三南呂為之合四望五嶽四鎮四瀆此言祀者司中司命風師雨師或亦用此樂與

羽舞而祭

白舞師教羽舞帥而舞四方之祭祀鄭注羽析

毳冕之服

司服掌王之吉凶衣服祀四望山川則毳冕

兩珪之瑞

典瑞掌玉

瑞玉器之藏兩珪有邸以祀地旅
四望鄭注邸本也圭本著于壁

增望祀

陳氏禮書男巫掌望

祀

望衍

陳氏禮書鄭氏讀衍為延謂望祀有牲與粢盛望衍用幣致神而已

表望

晉語

茆絕設表望

方望

公羊傳方望之事無所不通則望兼上下之神可知矣

旁招

文獻

通考四望之祀其位茆以辨之而植表于其中周禮所謂旁招以茆是也

前祝

周禮大祝將有事四

望則前祝

別神

從官

五經通義王者因郊祭日月星辰風伯雨師山川為皆有功于民故

祭之也皆天地之別神從官也

達四方

陳氏禮書天子四望達于四方

立四位

玉海

魏立四望位于地壇

望羣陽

望羣陰

三輔黃圖宰衡王莽奏冬至使有司祭天神于

南郊高祖配而望羣陽夏至使有司祭地祇于北郊高后配望羣陰

南郊圖

隋史官南郊圖有東

西南北

元豐壇

文獻通考宋元豐三年集賢校理陳侗請依周禮建四望壇于四郊祭五

嶽四鎮四瀆詔下詳定禮文每方岳鎮則共為一壇海嶽共為一坎皆用血祭瘞埋有事則請禱之又以四方

山川各祔于本方岳鎮海瀆之下

疾走羣望

左傳昭七年韓

宣子曰寡君寢疾于今三月矣並走羣望

壁見羣望

左傳楚共王有寵于五人無適立焉乃大

有事于羣望而祈曰請神擇于五人者使主社稷乃徧以璧見于羣望曰當璧而拜者神所立也

各

即其位

五經通義禮曰于南門外禮月四瀆于北門外禮山川丘陵于西門外祭風伯雨師于東門外

各即其位也

各象其貌

五經通義祭日者懸祭月者毀祭風者明祭雨者疏布祭山川者沈

各象其貌也

祭海之文

八編類纂按鄭司農解周禮四望以為日月星海鄭元謂無祭海之

文考周頌般序及觀樂記謂三王祭川先河後海鳥可謂無祭海之禮乎

水旱之義

隋志梁朱

異議鄭衆以四望為日月星海鄭元謂五岳四瀆二鄭之說不同竊以望是不即之名凡厥遙祭皆有斯目豈容局于星海拘于海濱請令司天有關水旱之義爰有四海名山大川能興雲致雨一皆備祭

山川一

原黃帝祭於山川與為多焉

與比也比吉祭祀山川黃帝最多

虞氏秩

于山川徧于羣神

秩序也以次序而祭之五嶽視三公四瀆視諸侯

周制四坎

壇祭四方

四方即謂山林川谷丘陵之神祭山林丘陵于壇川谷于坎則每方各為壇為坎

以

血祭祭五嶽

陰祀自血起

以埋沈祭山林川澤

祭山林曰埋川澤曰沈

一歲凡四祭一者謂迎氣時二者郊天時三者大雩時

四者大蜡時皆因以祭之禮神之玉兩珪有邸五寸牲

用少牢各隨方色幣亦隨牲色

牧人望祀各以其方之色牲毛之注望祀謂嶽

鎮四器用蜃

蜃人凡四方山川用蜃

用五獻

禮器五獻祭注謂祭四望山川

祭日

王及尸皆服毳冕

司服注毳冕畫虎雌雉謂宗彝其衣三章裳二章凡五也史記周公祀太山

以召公為尸是有尸也

樂奏蕤賓歌函鐘舞大夏以祀山川

蕤賓陽聲

次其祭之嶽鎮則升血為始四瀆則沈血為始

覲禮祭山曰升

祭川曰浮沈也爾雅祭山曰度縣祭川曰浮沈

次薦豆籩及燔肉為朝踐

大祭用腥

則次祀用燔也燔謂沈肉于湯也

時王酌盎齊以獻所謂朝踐之獻也

大宗伯亞獻亦以盎齊至熟王酌清酒以獻尸亞者亦

清酒所謂饋食之獻通前四獻也尸食訖王又酌清酒

以醑尸凡五獻也秦并天下令祠官所常奉名山川鬼

神可得而序于是自崤以東名山大川祠曰太室恒山

泰山會稽湘山水曰濟曰淮春以脯酒為歲禱因泮凍

解凍

秋涸凍

涸讀與涖同音涸凝也春解秋凝

冬塞

先代反

禱祠

謂報其所祈下

禱塞

其牲用牛犢各一牢具牲幣各異自華以西名山

七曰華山薄山

薄山襄山也說者云在河東一曰在潼關北十餘里而此云自華以西者今則

閭鄉之南山連延西出並得華山之名

岳山岐山吳山鴻冢瀆山瀆山蜀

之岷山也

周禮職方氏雍州其山曰岳爾雅河西曰岳說者咸云岳即吳岳也今北有岳山又有吳

山則吳岳非一山但未詳岳之所在徐廣云岳山在武功地理志武功無岳但有垂山岐山今之岐山縣也岐山兩岐故俗呼為箭闕嶺吳山今在沂陽郡之吳山縣鴻冢者黃帝臣鬼災區號大鴻葬雍故名鴻冢是也蘇林曰今雍有鴻冢

名川四曰河祠臨晉

即今之馮翊郡朝邑縣界沔

岷在隴民道也

祠漢中

汚漢水之上名也漢中今漢中郡也

湫泉祠朝那

湫在安定郡界清澈可愛不容

穢濁或有汚輒興雲雨土俗元旱每于此求之江水祠相傳云龍所居也天下山川隈曲亦往往有之

蜀亦春秋泮涸禱塞如東方山川而牲亦牛犢牢具圭幣各異而四大鴻冢岐吳岳皆有嘗禾

以新穀祭

其河加有

嘗醪皆在雍州之域近天子都故加車一乘駟駒四灋

澹澧滂涇渭長水皆在大山川數以近咸陽盡得比山

川祠而無諸加

加謂車及駟乘之屬

漢孝文十二年五穀不登詔

增脩山川羣祀武帝因巡狩禮其名山大川用駒者悉

以木寓馬代行過親祠者乃用駒 增文獻通考漢宣

帝神爵元年制詔太常夫江海百川之大者也今闕焉

無祠其令祠官以禮為歲事以四時祠江海雒水為天
下祈豐年焉 原後漢章帝元和二年詔祀山川百神
應禮者魏文帝黃初三年禮五嶽四瀆咸秩羣祀瘞沈
珪璋 增宋志魏明帝太和四年八月東巡遣使以特
牛祠中岳 原宋武帝大明七年六月有司奏奠祭霍
山殿中郎丘景先議宜使太常持節牲以太牢之具羞
用酒脯時穀禮以赤璋纁幣器用陶匏藉用茅為壇兆
時不用蜃同郊祀以爵獻梁令郡國有五嶽置宰祀三

人及有四瀆應祀者皆孟春仲冬祀之後魏景穆帝立
五嶽四瀆廟於桑乾水之陰春秋遣有司祭其山川諸
神三百二十四所每歲十月遣祠官詣州鎮徧祀有水
旱災厲則牧守各隨界內而祈謁王畿內諸山川有水
旱則禱之太武帝南征造恒山祀太牢浮河濟祀以少
牢過岱宗祀以太牢遂臨江登瓜步而還後周大將出
征遣太祝以羊一祭所過名山大川隋置祀四鎮東鎮

沂山西鎮吳山南鎮會稽山北鎮醫無閭山

在太海中
還祭冀

州鎮霍山並就山立祠祀四海東海於會稽縣界南海
南鎮並近海立祠及四瀆並取側近巫一人主知灑埽
並令多植松栢唐武德貞觀之制五嶽四鎮四海四瀆
年別一祭各以五郊迎氣日祭之東嶽岱山祭于兗州
東鎮沂山祭于沂州東海于萊州東瀆大淮于唐州南
嶽衡山于衡州南鎮會稽山于越州南海于廣州南瀆
大江于益州中嶽嵩山于洛州西嶽華山于華州西鎮
吳山于隴州西海西瀆大河于同州北嶽恒山于定州

北鎮醫無閭山於營州北海及北瀆大濟于洛州其牲
皆用太牢祀官以當界都督刺史充先天二年封華嶽
神為金天王開元十三年封泰山神為天齊王天寶五
載封中嶽神為中天王南嶽神為司天王北嶽神為安
天王六載河瀆封為靈源公濟瀆封為清泉公江瀆封
為廣源公淮瀆封為長源公會稽山為永興公岳山為
成德公霍山為應聖公醫無閭山為廣寧公八載閏六
月封太白山為神應公其九州鎮山除八諸岱外並宣

封公十載正月以東海為廣德王南海為廣利王西海
為廣潤王北海為廣澤王分命卿監諸嶽瀆及山取三
月十七日一時備禮兼冊增文獻通考唐武后垂拱
四年封洛水神為顯聖侯享齊于四瀆封嵩山為神岳
天中王至萬歲通天元年尊神岳天中王為神岳天中
皇帝神龍元年復為天中王開元十一年敕霍山宜
崇飾祠廟秩視諸侯蠲山下十戶以為灑埽晉州刺史
春秋致祭天寶元年以西成頗熟令光祿卿嗣鄭王

希言等分祭五嶽其四瀆名山委所由長官擇日致祭
肅宗上元二年改封華山為太山 德宗貞元二年

詔太常卿裴郁等十人各就方鎮祭岳瀆等舊禮皆因
郊祀望而祭之天寶中始有遣使祈福之祀非禮之正
也 文宗開成二年敕聞京師舊說終南山興雲即必
有雨若晴霽雖密雲他至竟不沾濡況茲山北面闕庭
日當顧矚脩其望祀寵數宜及今聞都無祠宇命有司
即時建立其年九月敕終南山宜封為廣惠公準四鎮

例以本府都督刺史充獻官每歲一祭以季夏土王日祭之 僖宗乾寧二年敕封少華山為佑順侯 昭宗天佑二年敕封洞庭湖君為利涉侯青草湖君為安流侯 宋史太祖建隆二年脩北岳廟西岳廟四年以湖南平命李昉祭南嶽 文獻通考乾德六年有司言祠官所奉止四岳今案祭典請祭南岳于衡州東鎮沂山于沂州南鎮會稽山于越州西鎮吳山于隴州中鎮霍山于晉州東海于萊州南海于廣州西海河瀆並于河

中府北海濟瀆並於孟州淮瀆于唐州其江瀆顯德五
年敕祭于揚州楊子江口今請復祭于成都府北鎮醫
無閭山在營州界未行祭享從之其後望祭北鎮于定
州北岳廟 開寶三年廣南平遣司農少卿李繼芳祭
南海劉鋹先尊海神為昭明帝廟為聰正宮其衣飾以
龍鳳詔自今岳瀆並東海南海廟各以本縣令兼廟令
尉兼廟丞專掌祀事常加案視務于蠲潔仍籍其廟宇
祭器之數受代日交以相付本州長吏每月一詣廟宇

察舉縣近廟者遷治所就之 太宗太平興國八年河
沒滑州遣樞密直學張齊賢詣河祭告用兩圭有邸沈
之自是凡有沒溢脩塞皆致祭 淳化二年禮官言周
顯德中祭江瀆于揚請如故事祭于益 真宗景德三
年以汴口浚通祭河瀆 大中祥符元年封禪禮畢詔
加號泰山天齊王為仁聖天齊王脩飾廟宇山四面七
里內各禁樵採又封泰山通泉廟為靈泚侯亭亭廟為
廣禪侯鄒縣嶧山廟為靈巖侯 三年脩鳳翔太白山

泗州龜山廟 四年至河中親謁奠河瀆廟親謁華陰
西岳廟羣臣陪位廟垣內外列黃麾仗遣官分奠廟內
諸神 五年詔加上東岳曰天齊仁聖帝中岳曰中天
崇聖帝南岳曰司天昭聖帝西岳曰金天順聖帝北岳
曰安天元聖帝命翰林學士李宗諤等與禮官詳定儀
注及冕服制度其玉冊如宗廟謚冊之制遣官詣五岳
充奉冊使副十一月戊戌詔加上東岳淑明后南岳景
明后西岳肅明后北岳靜明后中岳正明后又詔華山

及華州管內靈迹並禁樵採 仁宗康定二年增封海
瀆遣官致祭東海為淵聖廣德王南海為洪聖廣利王
西海為通聖廣潤王北海為沖聖廣澤王江瀆為廣源
王河瀆為靈源王淮瀆為長源王濟瀆為清源王 徽
宗政和三年議禮局上五禮新儀祭岳鎮海瀆設位南
向以西為上山川從祀西向以北為上諸岳鎮海瀆年
別一祭以祭五帝日祭之東岳泰山于兗州界東鎮沂
山于青州界東海于萊州界東瀆大淮于唐州界南岳

衡山于潭州界南鎮會稽山于越州界南海于廣州界
南瀆大江于益州界中岳嵩山于河南府界中鎮霍山
晉州界西岳華州界西鎮吳山于隴州界西海西瀆大
河于河中府界北岳常山及遙祀北鎮醫無閭山于定
州界北海大瀆大濟于孟州界太常寺言大中祥符中
封五岳為帝四海為王獨五鎮封爵尚仍唐舊元豐八
年始封西鎮吳山為成德王而未及四鎮詔並封王
金世宗大定四年禮官言當祭岳鎮海瀆詔依本禮以

四立土王日就本廟致祭其在地界者遙祭其封爵並仍唐宋之舊 七年或有言前代都長安及汴洛以大

華等山列為五岳今既都燕當別議五岳范拱以為非是議曰軒轅居上谷在恒山之西舜居蒲阪在華山之北以此言之未嘗據所都而改岳祀也遂不改 二十

五年有司言太祖征遼江神助順宜脩祠宇加賜封爵乃封混同江神為顯國應聖公 章宗明昌四年封長

白山為興國靈應王六年加五岳四瀆王爵時沂山道

士楊道全請封沂山為東安王吳山為成德王霍山為
應靈王會稽山為永興王醫無閭山為廣寧王淮為長
源王江為會源王河為靈源王濟為清源王每歲遣使
奉御署祝版奩香乘驛詣所在率郡邑長貳官行事

元世祖時每歲遣使祀岳瀆 至元二十八年加上東

岳為齊天大生仁聖帝南岳司天大化昭聖帝西岳金
天大利順聖帝北岳安天大貞元聖帝中岳中天大寧
崇聖帝加封江瀆為會源順濟王河瀆靈源弘濟王淮

瀆長源博濟王濟瀆清源善濟王東海廣德靈會王南海廣利靈孚王西海廣順靈通王北海廣洋靈祐王遣使分祭 大德二年加封東鎮沂山為元德東安王南鎮會稽山為昭德順應王西鎮吳山為成德永靖王北鎮醫無閭山為貞德廣寧王中鎮霍山為崇德應靈山敕有司歲時與岳瀆同祀 泰定帝泰定元年遣使祀岳瀆又以鹽官海溢遣使祀海神 致和元年改封蒙山神曰嘉惠昭應王洞庭神曰忠惠順利靈濟昭佑王

順帝至元元年加封真定路滹沱河神為昭佑靈源
侯 五年加北岳岳神為安天大貞元皇帝 十年詔
加封河瀆神為靈源神祐弘濟王重建河瀆及四海神
廟 明洪武三年建山川壇祭岳鎮海瀆鍾山之神于
殿內七年令祭山川諸神于春秋仲月 旬擇日後又
以孟春二十一年令歲仲秋中旬擇日祭山川壇 嘉
靖祀典五岳五鎮四海四瀆之神五壇北向京畿山川
西向天下山川東向

山川一

原命祀

月令孟春之月命祀山林川澤

詔脩

漢武詔河海潤千里其令祠官脩山川之祠為

歲事典加禮

柴燎

虞書歲二月東巡狩至于岱宗柴燎告至也東

方山川望而祭之秩次序也

鯉沈

周禮大宗伯以鯉沈祭山林川澤注順其性之含藏

夏

祈

月令仲夏之月命有司祈為民祈祀山川百源

冬賦

季冬之月命宰歷卿大夫至于庶民土田

之數而賦犧牲以共山林名川之祀

國中

春秋僖公三十有一年四卜郊不從乃免牲猶三望注三

望分野之星國中山川皆因郊祀望而祀之魯侯廢郊天而脩其小祀故曰猶

封內

禮記諸侯祭名

山大川之在其地者鄭注魯人祭泰山晉人祭河是也

懷柔

毛詩懷柔百神及河喬嶽注云懷來

柔安也王行巡狩至方岳之下來安羣
神祭于山川皆以尊卑次第祭之也
請釋左傳隱公八年

鄭伯請釋泰山之祀而祀
周公以泰山之祔易許田
歲徧禮天子祭天地
並

走見四
增封祭管子黃帝問伯高對曰
升中禮器

山升中
繫左傳襄公十八年晉侯伐齊將濟河
于天中行獻子以朱絲繫玉二穀而禱

用牲左傳昭公十七年晉侯使屠蒯如周請有事于洛
與三塗九月荀吳帥師涉自棘津使祭史先用牲

于洛陸渾人弗知
師從之遂臧陸渾
岳令唐開元禮祭岳瀆前
瀆令一日岳令瀆令清埽

內桑山左傳昭十六年鄭大旱使屠擊祝款堅拊有
外事于桑山斬其木不雨子產曰有事于山藝

山林也而斬其木其
罪大矣奪之官邑
蓮衢玉海會要開元十二年上
至華陰親製岳廟文命勒

欽定四庫全書
御定淵鑑類函
卷一百一十五

石于華岳祠
南之蓮衡

靈祠

貝闕

王褒集四清祠碑銘
靈祠岳立貝闕雲淨

女

巫

孔帖王珙請遣女巫乘
傳禱天下名山大川

廟令

王海棠祥符元年將
幸澶淵先命學士李

宗諤祭河清帝幸廟酌
奠以頌丘令為廟令

射鹿

漢書郊祀志武帝幸甘
泉至中山有鹿過自射

之因之
以祭

乘騾

唐開元記上到泰山益州進白騾潔朗
豐潤上遂親乘之柔順安便不知登降

之倦告成禮畢復乘而下休息未久白騾無疾而殪謚
之曰白騾將軍命有司具櫬積疊石為墓墓在封禪壇

北一
里許

原不越望

左傳哀公六年楚昭王疾卜曰河為
祟王曰三代命祀祭不越望不穀雖

不德河非所獲罪也
江漢沮漳楚之望也

不及身

昭公元年晉侯有疾卜
曰實沈臺胎為祟子產

曰此二者不及君身山川之神
則水旱癘疫之災于是乎榮之

增百戶吏

文獻通考
晉穆帝時

何琦論五岳祀曰永嘉後惟瀟之天柱在王略之內舊臺選百戶吏五十以奉其職中興之際未有官守廬江

郡常遣太史假四時禱塞

萬歲聲

又曰漢武帝元封元年登中岳聞若有言萬歲聲云乃令祠官

加增太室祠以山下戶凡三百封密高為之奉邑

終南雨

見山一

常山壁

天

記慕容雋壽先元年常山得壁七十一光色甚異後以為神岳之命以太牢祠云

制衣冠

海玉

宋乾德四年重製五岳祠衣冠

奉奩香

見山一

禱杯筴

續文獻通考金海陵嘗過

料石岡持杯筴禱曰使我有天命當得吉卜投之吉及即位貞元元年封料石岡神為靈應侯

禁樵

採見山

幸東都

合璧事類開元五年帝特幸東都褚無量言昔帝舜巡狩秩山川願陛下

所過名山大川丘陵墳衍並詔致祭

祀衡山

又曰大歷八年遣歸崇敬祀衡山未至而哥舒晃亂

廣州監察御史惲之請望祭而還崇敬正色曰君命豈有畏耶

酒脯祭

續文獻通考遠穆宗應歷

十四年以酒脯祭黑山

麋鹿祭

又曰遼太祖天贊三年登阿勒坦音德爾山乃以麋鹿祭之

集靈宮

歐陽脩集古錄漢武巡省五岳立宮其下曰集靈宮

聰明山

盧頊禱聰明山

記聰明之神蓋椒落上古不知其始興也若曰禍福之謂聰明降祥毓物之謂明美稱備焉取名斯在

原

璋邸以祀

周禮考工記璋邸射素功以祀山川注邸射刺而出也素功無瑑飾也

持節

以祠

漢書五嶽四瀆皆祠有常禮祀皆使者持節以祠焉惟泰山與河歲五祀江水四餘皆一禱而三祠

以名廢祀

申縞曰名以山川則廢祀魯以獻公武公廢其教二山名

不敬削地

禮記山川神祇有不舉者為不敬不敬者君削其地

增東游海上

史記秦始皇即帝位三年

東游海上行禮
祀名山大川

望祀蓬萊

玉海漢武太初元年十二月東臨渤海望祀蓬萊

李至請祭

玉海淳化二年二月十二日秘監李至請五郊迎氣祭其方岳鎮海瀆

曾

肇為碑

又曰元符三年脩東岳廟命曾肇為碑為殿三曰嘉寧舊社儲佑

羣神從食

文獻通考光武中元元年定北郊祀地祇地理羣神從食如元始故事

諸神從祀

又曰晉成

帝咸和八年立北郊于覆舟山祀地祇從祀凡四十四神如漢西京關中小水皆有祭秩也

桃花

春水

靈草孤洲

王褒四清祠碑桃花春水靈草孤洲澧鄉河曲汾陰睢壤

原惟

爾明神順禮經而脩祀

報我豐歲應時雨而出雲

增禹奠九州受蒼水繡衣之命

武師牧野接五車兩

騎之神

見玉海
徐鉉文



御定淵鑑類函卷一百六十八

欽定四庫全書

子部

御定淵鑑類函卷一百六十九

詳校官內閣學士臣尹壯圖

主事臣祁韻士覆勘

總校官檢討臣何思鈞

校對官中書臣高中

謄錄監生臣陳觀龍

欽定四庫全書

御定淵鑑類函卷一百六十九

義部六 宗廟

宗廟

原唐虞立五廟 考工記夏后氏世室殷人重屋 增

商書七世之廟可以觀德 周制小宗伯建國之神位

右社稷左宗廟 考工記周人明堂 小宗伯辨廟祧

之昭穆 原王制天子七廟三昭三穆與太祖之廟而

曰祖考廟皆月祭之遠廟為祧有二祧享嘗乃止去祧
為壇去壇為墀壇墀有禱焉祭之無禱乃止去墀曰鬼
諸侯五廟一壇一墀曰考廟曰王考廟曰皇考廟皆月
祭之顯考廟祖考廟享嘗乃止去祖為壇去壇為墀壇
墀有禱焉祭之無禱乃止去墀為鬼大夫三廟二壇曰
考廟曰王考廟曰皇考廟享嘗乃止顯考祖考無廟有
禱焉為壇祭之去壇為鬼適士二廟一壇曰考廟曰王
考廟享嘗乃止皇考無廟有禱焉為壇祭之去壇為鬼

官師一廟曰考廟王考無廟而祭之去王考為鬼庶士庶人無廟死曰鬼 文獻通考高祖時令諸侯王都皆立太上皇廟至惠帝尊高帝廟為太祖廟景帝尊孝文廟為太宗廟行所嘗幸郡國各立太祖太宗廟至宣帝本始二年復尊孝武廟為世宗廟行所巡狩亦立焉而京師自高祖至宣帝與太上皇悼皇考各自居陵旁立廟又園中各有寢便殿日祭于寢月祭于廟時祭于便殿寢日四上食廟歲二十五祠便殿歲四祠又月一游

衣冠元帝時貢禹奏言古者天子七廟今孝惠孝景廟
皆親盡宜毀及郡國廟不應古禮宜正定天子是其議
未及施行而禹卒永光四年乃下詔先議罷郡國廟丞
相韋元成等皆曰春秋之義父不祭于支庶之宅君不
祭于臣僕之家王不祭于下土諸侯臣愚以為宗廟在
郡國宜無脩奏可後月餘復下詔議立親廟元成等以
為周之所以七廟者以后稷始封文武受命而王是以
三廟不毀與親廟四而七臣以為高帝受命定天下宜

為太祖之廟世世不毀承後屬盡者宜毀今宗廟異處
昭穆不序宜入就太祖廟而序昭穆如禮太上皇孝惠
孝文孝景廟皆親盡宜毀皇考廟親未盡如故大司馬
許嘉等以孝文宜為太宗之廟廷尉忠以孝武宜為世
宗之廟諫大夫尹更始等以皇考廟上序于昭穆非正
禮宜毀于是上重其事依違者一年乃下詔正禮儀元
成等奏曰今高皇帝為太祖孝文皇帝為太宗孝景皇
帝為昭孝武皇帝為穆孝昭皇帝與孝宣皇帝俱為昭

皇考廟親未盡太上孝惠廟皆親盡宜毀太上廟主宜
瘞園孝惠皇帝為穆主遷于太祖廟寢園皆無復脩奏
可後上疾連年遂盡復諸所罷寢廟園皆脩祀如故初
上定迭毀禮獨尊孝文廟為太宗而孝武廟親未盡故
未毀于是復申明之曰孝宣皇帝尊孝武廟曰世宗
損益之禮不敢有與焉他皆如舊制惟郡國廟遂廢云
元帝崩匡衡奏言前以上體不平故復諸所罷祠卒不
蒙福案孝惠孝景廟親盡宜毀及太上皇祠請悉罷奏

可成帝時以無繼嗣河平元年復太上皇寢廟園世世奉祀哀帝即位丞相孔光大司空何武奏言太祖太宗世宗迭毀之次當以時定請與羣臣雜議奏可于是光祿勲彭宣等皆以為孝武皇帝雖有功烈親盡宜毀太僕王舜中壘校尉劉歆議曰禮記王制及春秋穀梁傳喪事尊卑之序與廟數相應其文曰天子三昭三穆與太祖之廟而七諸侯二昭二穆與太祖之廟而五故七者其正法數可常數者也宗不在此數中宗變也苟有

功德則宗之不可預為設數今以七廟言之孝武皇帝
未宜毀以所宗言之則不可謂無功德臣愚以為世宗
之廟宜建之萬世不宜毀上覽其議而從之 光武帝
建武二年正月立高廟于雒陽四時祫祀高祖為太祖
文帝為太宗武帝為世宗如舊三年立親廟雒陽祀父
南頓君以上至舂陵節侯至十九年五官中郎將張純
與太僕朱浮奏言禮為人後者則為之子今帝祫高廟
陳序昭穆而舂陵四世君臣並列不合禮意詔下公卿

大司徒戴涉等議宜以宣元成哀平五帝四世代今親廟宣元皇帝尊為祖父可親奉祠成帝以下有司行事別為南頓君立皇考廟其祭上至春陵節侯羣臣奉祠上從之明帝即位為光武起廟明帝臨終遺詔無起寢廟藏主于世祖廟更衣別室章帝從之後主率以為常至積多無別獻帝初平中蔡邕等議光武皇帝受命中興廟稱世祖孝明皇帝政參文宣廟稱顯宗孝章皇帝至孝烝烝仁恩博大廟稱肅宗至和帝以下功德無殊

而有過差不應為宗及餘非宗者追尊三后皆奏毀之
四時所祭高廟一祖二宗及近帝四凡七廟 晉武帝
受禪追尊皇祖宣王為宣皇帝伯考景王為景皇帝考
文王為文皇帝太始三年有司奏置七廟帝重其役詔
宜權立一廟羣臣議舜承堯禪受終文祖則虞氏不改
唐廟可依有虞故事即用魏廟奏可于是追祭征西將
軍豫章府君潁川府君京兆府君與宣帝景帝文帝為
三昭三穆而太祖虛位武帝崩遷征西惠帝崩遷豫章

元帝即位以登懷帝之主又遷潁川位雖七室其實五世蓋從刁協以兄弟為世數故也簡文帝即位上繼元皇于是潁川京兆二主復還昭穆之位至簡文崩潁川又遷唐高祖武德元年追尊高祖曰宣簡公曾祖曰懿王祖曰景皇帝考曰元皇帝立四廟于長安唐太宗貞觀九年高祖崩增修太廟中書侍郎岑文本議祖鄭玄者則陳四廟之制述王肅者則引七廟之文貴賤混而莫辨是非紛而不定春秋穀梁傳及禮記王制祭法

禮器孔子家語並云天子七廟諸侯五廟大夫三廟士
一廟尚書咸有一德曰七世之廟可以觀德至于孫卿
孔安國劉歆班彪父子孔昆虞憲于寶之徒商較今古
咸以為然是以晉宋齊梁皆依斯義立親廟六臣等請
依晉宋故事立親廟六其祖宗之制式遵舊典從之
中宗神龍元年以景皇帝為太祖廟崇六室 時太常
博士張齊賢建議曰奉敕既立七廟須尊崇始祖伏尋
禮經始祖即太祖太祖之外更無始祖後周太祖之外

以周文王為始祖不合禮經今議者或有欲立涼武昭王為始祖者殊為不可何者昔在商周稷禹始封故以為太祖即皇家之景帝是也涼武昭王勲業未廣後主失守國土不傳景帝始封實本明命令乃捨封唐之盛烈崇西涼之遠構求之前古實乖典禮 開元十年制創立太廟九室獻祖懿祖太祖世祖高祖太宗中宗睿宗先時以孝敬皇帝為義宗祔于廟由是為七室而京太廟亦七室中宗崩中書令姚元之吏部尚書宋璟以

謂義宗追尊之帝不宜列昭穆而其塋在洛州請立別廟于東都而有司時享其京廟神主藏于夾室由是祔中宗而光皇帝不遷遂為七室睿宗崩博士陳貞節蘇獻等議曰古者兄弟不相為後荀卿曰有天下者事七世謂從禰以上也若旁容兄弟上毀祖考則天子有不
得事七世者矣孝和皇帝有中興之功而無後宜出為別廟祔睿宗以繼高宗于是立中宗廟于太廟之西開元十年詔宣皇帝復祔于正室謚為獻祖并謚光皇帝

為懿祖又以中宗還祔太廟于是太廟為九室 文宗

開成五年時武宗即位禮儀使奏天子七廟祖功宗德不在

其中國朝制度景皇帝受封于唐高祖太宗創業受命

百代不遷今文宗皇帝升祔有時代宗皇帝是親盡之

祖禮合祧遷每至禘祫合食如常敕旨敬依典禮 自

憲宗穆宗敬宗文宗四世祔廟睿立肅代以次遷至武

宗崩德宗以次當遷而于世次為高祖禮官始覺其非

以謂兄弟不相為後不得為昭穆乃議復祔代宗而議

者言已祧之主不得復入禮官曰昔晉元明之世已遷
豫章潁川後皆復祔此故事也議者又言廟室有定數
而無後之主當置別廟禮官曰晉武帝時景文同廟廟
雖六代其實七主至元帝明帝廟皆十室故賀循曰廟
以容主為限而無常數也于是復祔代宗而以敬宗文
宗武宗同為一代初玄宗之復祔獻祖非本于禮也而
後之為說者乃遷就其事以謂三昭三穆與太祖祖功
宗德三廟不遷為九廟者周制也及敬文武三宗為一

代故終唐之世常為九代十一室焉 宋太祖建隆元年有司請立宗廟詔下其議兵部尚書張昭等請追尊四代號謚崇建廟室奏可 真宗咸平元年判太常禮院李宗訥等言伏見僖祖稱曾高祖太祖稱伯文懿惠文簡穆昭憲皇后並稱祖妣孝明孝憲孝章皇后並稱伯妣案爾雅有考妣王父母曾祖王父母高祖王父母及世父之別以此觀之惟父母得稱考妣今請僖祖止稱廟號順祖而下即依爾雅之文事下尚書省即集官

議定戶部尚書張齊賢等上言王制天子七廟三昭三穆并太祖之廟而七前代或有兄弟繼及亦移昭穆之列是以漢書為人後者為之子所以尊本祖而重正統也又禮天子絕期喪安得宗廟中有伯氏之稱乎其唐朝及五代有稱者蓋禮官之失非正典也請自今有事于太廟則太祖并諸祖室稱孝孫孝曾孫嗣皇帝太宗室稱孝子嗣皇帝詔禮官別加詳定禮官言尚書盤庚有商及王史記云陽甲至小乙兄弟四人相承故不稱

嗣子而曰及王明不繼兄之統也唐中宗睿宗皆處昭
位恭宗文宗武宗昭穆同為一世伏請太祖室曰皇伯
考妣太宗室曰皇考妣每大祭太祖太宗同位祝文並
稱孝子詔都省復集兩制承郎參議以聞既而都省上
議古者祖有功宗有德今太祖受命開基太宗繼承大
寶必若同為一代則是太宗不得自為世數也不得自
為世數則何以得為宗乎今若序為六世以一昭一穆
言之則上無毀廟之嫌下有善繼之美于禮為大順于

時為合宜何嫌而謂不可乎翰林學士宋湜等又言都省所議皇帝于太祖廟室稱孝孫臣竊疑焉望下有司詳定詔令禮官再討典故禮官言議者引漢書為人後者為之子殊不知弟不為兄後子不為父孫春秋之深旨也父謂之昭子謂之穆禮記之明文也又按太宗饗祀太祖二十有二年稱曰孝弟此不易之制又安可追改乎唐玄宗謂中宗為皇伯考德宗謂中宗為高伯祖則伯氏之稱復何不可臣等參議自今太祖太宗同位

異坐太祖仍稱孝子奏可 熙寧五年中書門下言本

朝自僖祖以上世次不得而知則僖祖有廟與商周稷

契疑無以異請以所奏付之兩制詳議而擇取其當者

時王安石為相不主祧遷之義故復有此請乃復奉僖

祖于太廟遷順祖神主藏于夾室 翰林學士元絳等

上言自古受命之王既以功德享有天下皆推本統以

尊事其祖故商周以契稷為始祖者皆以承其本統而

非以有功與封國為重輕也倘謂僖祖不當比契稷為

始祖是使天下之人不復知尊祖而子孫得以有功加其祖考也傳曰毀廟之陳于太祖未毀廟之主皆陞合食于太祖今遷僖祖之而藏于太祖之室則是僖祖順祖翼祖宣祖祫祭之日皆降而合食也情文不順無甚于此請以僖祖之廟為太祖翰林學士韓維議昔先王既有天下迹其基業之所由起奉以為太祖所以推功業重本始也後世有天下者特起無所因故遂為一代太祖太祖皇帝功德卓然為宋太祖無可議者僖

祖雖于太祖為高祖然仰迹功業未見其有所因上尋世系又不知其所以始若以所事契稷奉之竊恐于古無考而于今亦有所未安今之廟室與古殊制古者每廟異宮今祖宗同處一堂而西夾室在順祖之右考之尊卑之次似亦無嫌天章閣待制孫固請特為僖祖立室由太祖而上親盡迭毀之主皆藏之當禘祫之時以僖祖權居東向之位太祖順昭穆之列而從之取毀廟之主而合食則僖祖之尊自有所申秘閣校理王介請

依周官守祧之制創祧廟以奉僖祖庶不下祔子孫夾
室以替遠祖之尊議既上帝頗以韓維之說為是而王
安石以維言夾室在右為尊與固言禘祫僖祖居東向
之說為非禮帝亦然之又問前代郊配與宗祀明堂之
禮安石以尊僖祖為始祖則郊祀當以配天若宗祀明
堂則太祖太宗當迭配帝又疑明堂以英宗配天與僖
祖為始祖之說遂下禮官詳定同判太常寺兼禮儀事
張師顏等議曰昔者商周之興本于契稷故奉之為太

祖後世受命之君功業特起不因前代則親廟迭毀身
自為祖今國家以僖祖親盡而祧之奉太祖皇帝為帝
者之祖是合于禮矣國初張昭任澈之徒因緣近比請
建四廟遂使天子之禮下同諸侯若使廟數備六則更
當上推兩世而僖祖次在第二亦未可謂之始祖也請
略倣周官守祧之制築別廟以藏僖祖神主大祭之歲
祀於其室太廟則一依舊制虛東向之位郊配之禮則
仍其舊安石力主元絳等初議遂從之 元豐元年詳

定郊廟禮文所言古者父子異宮祖禰異廟今之廟制與古不侔遂圖上八廟異宮之制以始祖居中分昭穆為左右自北而南僖祖為始祖翼祖太祖太宗仁宗為穆在右宣祖真宗為昭在左皆南向北上詔詳定本朝可行典禮陸佃張璪所議昭穆之位各不同詔俟廟制成日取旨元符三年時徽宗已即位詔曰蓋聞有天下者事七世則迭毀之制有常祖有功而宗有德則不遷之廟非一恭惟仁宗皇帝躬天地之度以仁為治在

位四十二年利澤施于四海神宗皇帝以聖神不世出之資慨然大有為于天下宜令禮官考定仁祖神考廟制以聞權太常盛仲次等言仁宗神考請如聖詔永祀不祧與天無極 崇寧三年詔增太廟為十室復翼祖

宣祖廟

紹熙五年閏十月

時寧宗已即位

詔別建四祖殿于

太廟大殿之西奉祧主僖順翼宣四祖神主歲令禮官薦獻 宋朝自太祖追王僖順翼宣四祖以來每遇禘祫祖宗以昭穆相對而虛東鄉之位王安石用事以為

僖祖以上世次不可知則僖祖之有廟與后稷疑無以異當時諸儒韓維輩辨之不從時程頤為布衣為人言亦以安石之言為是熙寧八年夏禘于太廟以僖祖東嚮自是無敢議者紹興後董斧王普尤袤俱請正太祖東嚮之位未克行先是英宗祔廟已祧順祖至欽宗祔廟又祧翼祖及高宗祔遂為九世十二室至是孝宗將升祔趙汝愚當國欲併祧僖宣二祖事下侍從臺諫禮官議于是吏部尚書鄭僑等請祧二祖而正太祖東

嚮之位諸儒如樓鑰陳傳良輩皆以為可詔從之僞等
尋奏請立僖祖別廟以順懿宣三祖祔藏時朱熹在講
筵獨入議狀條其不可者四大略云準尚書吏部牒集
議四祖祧主宜有所歸者今詳羣議雖多而皆有可疑
若曰藏之夾室則是以祖宗之主下藏于子孫之夾室
至于祫祭設幄于夾室之前則亦不得謂之祫欲別立
一廟則喪事即遠有毀無立欲藏之天興殿則宗廟原
廟不可相雜以太祖當日追尊帝號之令而默推之則

知今日太祖在天之靈必有所不忍而不敢當矣當以
僖祖為始祖如周之后稷太祖如周之文王太宗如周
之武王與仁祖之廟皆不祧仁宗為昭英宗為穆與真
宗主並藏西夾室神宗為昭哲宗為穆徽宗為昭欽宗
為穆高宗為昭孝宗為穆而高宗之廟亦不祧議既上
則聞已毀四祖廟而遷之矣時太廟殿已為十二室故
孝宗既祔而東室尚虛及光宗祔廟遂為九世十二室
蓋自昌陵祔廟踰二百年而後正太祖之位是年冬始

別建一殿以奉祧主于大殿之西隅歲命禮官薦獻焉
今謂四祖殿者是也 金史大定十二年議建閔宗別
廟禮官援晉惠懷唐中宗後唐莊宗升祔故事若依此
典武靈皇帝無嗣亦合升祔然中宗之祔始則為虛室
終則增至九室惠懷之祔乃遷豫章潁川二廟莊宗之
祔乃祧懿祖一室今太廟之制除祧廟外為七世十一
室如當升祔武靈即須別祧一廟伏覩宗廟世次自睿
宗上至始祖凡七世別無可祧之廟晉史云廟以容主

為限無拘常數東晉與唐皆用此制遂增至十一室康
帝承統以兄弟為一室故不遷遠廟而祔成帝唐以敬
文武三宗同為一代于太廟東間增置兩室定為九代
十一室今太廟已滿此數如用不拘常數之說增至十
二室可也然廟制已定復議增展其事甚重又與睿宗
皇帝祔室昭穆亦恐更改春秋之義不以親親害尊尊
漢志云父子不並坐而孫可從王父若武靈升祔太廟
增作十二室依春秋尊尊之典武靈當在十一室祔祫

合食依孫從王父之典當在太宗之下而居昭位又當稱宗然前升祔睿宗已在第十一室累遇祫享睿宗在穆位與太宗昭位相對若更改祔室及昭穆序非有司所敢輕議十九年四月禘祔閔宗遂增展太廟為十一室二十九年世宗將祔廟有司言太廟十一室自始祖至熙宗雖係八世然世宗與熙宗為兄弟不相為後用晉成帝故事止係七世若特升世宗顯宗即係九世于是五月遂祔獻祖昭祖升祔世宗顯宗于廟十一年尚

書省奏禘祫之儀曰禮緯三年一祫五年一禘唐開元中太常議禘祫之禮皆為殷祭祫為合食祖廟禘謂禘序尊卑自異常享王者法諸天道以制祀典烝嘗象時禘祫象閏五歲再閏天道大成宗廟法之再為殷祭自周以後並用此禮自大定九年已行祫禮若議禘祭當于祫後十八月行禮詔以三年冬祫至五年夏禘為常禮元史世祖十五年五月太常卿議廟制一曰都宮別殿七廟九廟之制祭法曰天子立七廟三昭三穆與

太祖之廟而七諸侯大夫士降級以兩晉博士孫毓以
謂外為都宮內各有寢廟別有門垣太祖在北左昭右
穆以次南面是也前廟後寢者以象人君之居前有朝
而後有寢也廟以藏主以四時祭寢有衣冠几杖象生
之具以薦新物天子太祖百世不遷宗亦百世不遷高
祖以上親盡則遞遷昭常為昭穆常為穆同為都宮則
昭常在左穆常在右而外有以不失其序一世自為一
廟則昭不見穆穆不見昭而內有以各全其尊必祫享

而會于太祖之廟然後序其尊卑之次蓋父子異宮祖
禰異廟所以盡事亡如事存之義然漢儒論七廟九廟
之數其說有二韋元成等以為周之所以七廟者以后
稷始封文王武王受命而王是以三廟不毀與親廟四
而七也如劉歆之說則周自武王克商以后稷為太祖
即增立高圉亞圉二廟于公叔太王王季文王二昭二
穆之上已為七廟矣至懿王時始立文世室于三穆之
上至孝王時始立武世室于三昭之上是為九廟矣然

先儒多是劉歆之說二曰同堂異室之制後漢明帝遵
儉自抑遺詔無起寢廟但藏其主于光武廟中更衣別
室其後章帝又復如之後世遂不敢加而公私之廟皆
用同堂異室之制先儒朱熹以謂至使太祖之位下同
孫子而更僻處于一隅無以見為七廟之尊羣廟之神
則又上厭祖考不得自為一廟之主以人情論之生居
九重窮極壯麗而設祭一室不過尋丈甚或無地以容
鼎俎而陰損其數子孫之心于此宜亦有所不安矣且

如命士以上其父子婦姑猶且異處謹尊卑之序不相
褻瀆況天子貴為一人富有四海而祖宗神位數世同
處一堂有失人子事亡如事存之意矣 至治元年正
月始命于太廟垣西北建太次殿以四孟月時享親祀
太室禮成謂羣臣曰朕纘承祖宗丕緒夙夜祗慄無以
報稱自今以始歲必親祀以終朕身五月中書省臣言
以廟制事集御史臺翰林院臣議謹按前代廟室多寡
不同晉則兄弟同為一室正室增為十四間東西各一

間唐九廟後增為十一室宋增室至十八東西夾室各一間以藏祧主今太廟雖分八室然兄弟為世止六世而已世祖所建前廟後寢往歲寢殿災請以今殿為寢別作前廟十五間中三間通為一室以奉太祖神主餘以次為室庶幾情文得宜謹上太常廟制制曰善 泰定二年中書省臣言世祖皇帝始建太廟太祖皇帝居中南向睿宗世祖裕宗神主以次祔西室順宗成宗武宗仁宗以次祔東室邇者集賢翰林太常諸臣言古制

尚左今尊者居右為少屈非所以示後世太祖皇帝居中南向宜奉睿宗皇帝祔左一室世祖祔右一室裕宗祔睿宗室之左顯宗順宗成宗兄弟也以次祔世祖室之右武宗仁宗亦兄弟也以祔裕宗室之左英宗祔成宗室之右從之明紀事本末嘉靖十年春正月特享太廟正太祖南向位初太祖立四親廟德懿熙仁同宮異廟各南向孟春特享于羣廟三時各祭于德祖廟序用昭穆後改建太廟同堂異室亦各南向四孟及歲除

俱各祭于中室仍序昭穆如初罷特享禮至英宗升祔
九室悉備憲宗將祔用禮官議祧懿祖孝宗祔祧熙祖
武宗祔祧仁祖獨德祖不祧時享則太祖太宗以下俱
東西向至是諭張孚敬曰朕欲自今春享奉太祖居中
太宗而下各居一室行特享禮三時仍聚羣廟于太祖
之室昭穆相向行時祫禮季冬中旬並饗太廟親王功
臣配食兩廡以存太祖當代之制歲暮節祭行於奉先
殿世廟止行四時之享歲暮祭于崇先殿庶祭義明而

萬世可行乃命祠官于廟中設轡如九廟狀奉太祖南向羣宗遞遷就室各南向特享之始退德祖于祧殿不復預時享十四年二月初建九廟先是夏言請定七廟額謂陛下復古廟制正太祖南向位則太廟之名實符周典太宗功德隆赫特建百世不遷之廟宜曰文祖世室在三昭上仁宗宣宗各為昭穆第一廟英宗憲宗為昭穆第二廟孝宗武宗為昭穆第三廟十二月九廟成詔定五年一禘祀皇初祖于太廟以太祖配每立春特

享祖宗于羣廟三時合享于太廟季冬大禘于太廟皇
考獻皇帝止舉時祀

宗廟二

原尚書大傳廟者貌也其以貌言之也 釋名宗尊也

廟貌也先祖形貌所在也 曲禮凡祭宗廟之禮牛曰

一元大武豕曰剛鬣豚曰腍肥羊曰柔毛雞曰翰音犬

曰羹獻雉曰疏趾兔曰明視脯曰尹祭橐魚曰商祭鮮

一作魚曰脰祭水曰清滌酒曰清酌黍曰薌合梁曰薌

其稷曰明粢稻曰嘉蔬韭曰豐本鹽曰鹹醯玉曰嘉玉
幣曰量幣 王制宗廟之牛角握 曾子問當七廟五

廟無虛主惟祫祭于祖為無主爾 明堂位季夏六月

以禘禮祀周公于太廟鬱尊用黃目灌用玉瓚薦用玉

豆雕簋爵用玉琖 增魯公之廟文世室也武公之廟

武世室也 原說文宗廟之木主名曰祔 周易王假

有廟 詩天保吉蠲為饔是用孝享毛傳吉善蠲絜也

饔酒食也鄭箋謂將祭祀也 賓筵籥舞笙鼓樂既和

奏烝衍烈祖以洽百禮百禮既至有壬有林錫爾純嘏
子孫其湛鄭玄注純大也嘏謂尸與主人以福也 毛
詩序清廟祀文王也周公既成洛邑朝諸侯率以祀文
王焉鄭玄注清廟者祭有清明之德者之宮也謂祭文
王也天德清明文王象之故祭之而歌此詩也於穆清
廟肅雝顯相毛傳肅敬雝和相助也鄭箋顯光也見也
於乎美哉周公之祭清廟也其禮儀敬且和又諸侯有
光明著見之德者來助祭 載芣有椒其馨胡考之寧

毛傳椒猶飴也胡壽也考成也鄭箋寧安也以芬香之
酒醴祭于祖妣則多得其福祐也 增閼宮新廟奕奕

奚斯所作 原周禮凡濯玉濯之陳之以贊裸事注灌
玉圭瓚璋瓚 增爾雅室有東西廂曰廟無東西廂有

室曰寢廟中路謂之唐堂途謂之陳閼謂之門 孝經

為之宗廟以鬼享之 家語孔子曰吾于甘棠見宗廟
之敬也甚矣思其人猶愛其樹尊其人必敬其道也

原白虎通祭有主言神無所依據孝子以主繼心焉

五經要義木主之狀四方穿中央以達四方天子長尺
二寸諸侯長尺皆刻謚于其背 諸侯會天子則以方

明為主覲禮云明木也其形四面方六上玄下黃東青
南赤西白北黑方明者上下四方神明之象也 摯虞

沒疑注凡廟之主藏于戶外北牖下有石函故名宗祏
漢書廟所以藏主列昭穆 漢舊儀皇帝會諸侯酌

金以上計設九賓陪位也 楚國先賢傳古者先王日
祭月享時類歲祀諸侯舍日卿大夫舍月士庶人舍時

增漢舊儀宗廟三歲一大祫祭子孫諸帝以昭穆坐
于高廟諸陳廟神皆合食設左右坐 原廟一歲十二
祠有閏加皆用太牢 三輔故事光武至長安宮闕燒
盡徙都洛陽取十二陵合為高廟作十二室太常卿一
人別治長安主知祭事謂之高廟 漢晉陽秋武帝改
營太廟南致荆山之木石採華山之石鑄銅柱十二塗
以黃金鏤以百物填以丹青綴以珠玉 陳氏禮書商
之三宗周之文武漢之孝文孝武唐之仁堯文皇其廟

皆在三昭三穆之外歷世不毀此所謂不遷之廟非謂
祧也鄭康成之徒以喪服小記言王者立四廟則謂周
制七廟文武為二祧親廟四而已則文武不遷之廟在
七廟內是臆說也王肅聖證論禮自上而下降殺以兩
使天子諸侯皆親廟四則是君臣同等尊卑不別也又
王祭殤五而下及無親之孫上不及無親之祖不亦詭
哉舜劉歆論之于漢韓愈論之于唐皆與肅同蓋理
之所在者無異致也父昭子穆而有常數者禮也祖

功宗德而無定法者義也故周于三昭三穆之外而有
文武之廟魯于二昭二穆之外而有魯公之世室

宗廟三

原時類

月祀

上詳類聚國語旬服者祀日祭月祀先王之訓

冬薦

秋

嘗

毛詩潛季冬薦魚孟春獻鮪也猗歟漆沮潛有多魚以享以祀以介景福爾雅春祭曰祠夏祭曰杓秋

祭曰嘗冬

鄉合

嘉疏

瑤爵

玉豆

並詳宗廟二

闕

宮

清廟

上詳后妃廟下詳宗廟二

春祠

夏禴

見上

酎金

灌

玉

史記注正月旦作酒八月成名酎酎言純也武帝時八月嘗酎會諸侯廟中出金助祭所謂助金下詳

二宗廟

祀武

告文

毛詩執競祀武王也執競武王無競維烈不顯成康上帝是皇維

天之命太平告文王也維天之命於穆不已

五廟

七室

並詳宗廟二

介福

純嘏

毛詩祀祭于祊祀事孔明先祖是皇神保是享孝孫有慶報以介福萬壽無疆下詳宗廟二

觀德

尚敬

上詳宗廟一毛詩肅肅在廟注肅肅敬也箋云言羣臣助文王祭廟則尚敬

言得禮之宜也

本仁

觀敬

禮記祖廟所以本仁也祭統孝子之事親也有三道焉生則

養沒則喪喪畢則祭養則觀其順也喪則觀其哀也祭則觀其敬而時也盡此三道者孝子之行也

肅

雍

清淨

上詳宗廟二漢書議者以清廟之詩交神之禮無不清淨今衣冠出遊有車騎之衆風

雨之氣非所謂清淨也

繹繹

翼翼

詩寢廟繹繹注相連屬也詩作廟翼翼

茅

屋 欹器

左傳清廟茅屋 在御座漢末喪亂失之形制遂絕杜元凱創

晉書周廟欹器東漢時猶

意造成奏上帝嘉歎之

增守藏

點寶

周禮天府掌祖廟之守藏凡國之玉鎮大寶器

藏焉金玉禮器皆藏焉慶元以後月以察官禮官中官各一

員檢視謂之點寶

告幣

賜帛

文獻通考諸侯祭宗廟曰敢以嘉幣告于皇考王隱晉

書太康十年太廟告成賜作廟者帛

書勞

舍爵

左傳襄十三年公至自晉孟獻子書勞于

廟禮也言辨舍爵于季氏之廟而出

押樂

捧俎

文獻通考曰太廟時

享儀注有押樂太常卿先祿卿押樂太常丞先祿丞又曰時享儀注有捧俎官

宮架

神

幄又曰協律郎位二一于太廟殿上一于宮架西北唐六典太常卿凡有事于宗廟少卿率太祝齋即入

薦香燭整拂神幄

石室

香街

天中記周禮有郊廟石室一曰大夫以石為主三輔黃

國太上皇廟在

五寢

九室

周禮隸僕掌五寢之埽除糞洒之事箋五寢五

長安香街南

廟之寢也天子七廟惟祧無寢唐杜甫朝享太廟賦壬辰既格于道祖乘輿即以是日致齋于九室

甘棠

福草

上詳家語廟主敬則福草生于宗廟之中紀纂淵海王者事宗

殷祭

間祀

文獻通考冬十月五穀成骨肉合飲食于祖廟謂之殷祭又曰四時正祭外有五日嘗麥三

伏立秋嘗黍盛酎十月嘗稻等謂之間祀

原象生居

藏遺服

白虎通聖王所以制

宗廟何生死殊路故敬鬼神而遠之所以有屋何所以象生之居周禮守祧掌守先王先公之廟祧其遺衣

服藏

若事存

以尊祖

白虎通王者立宗廟何緣生以事死敬亡若事存欲立宗

廟而祭之此孝子之心所以追養孝也

孝經援神契宗廟所以尊祖也
正室守 君子

作文王世子正室守太廟尊宗室而君臣之道著矣疏
通子是宗室之正太廟是祖之正用適子守太廟是

尊於宗及廟之室故也
毛詩奕奕寢廟君子作之
左雉門 南甬道 周禮小

職掌建國之神位右社稷左宗廟鄭注庫門內雉門外
之左右 晉起居注武帝太安中詔往者仍魏氏舊廟

處立廟既墜翳不顯又材木短小至今中間有缺撓之
患今當脩立不宜在故處太僕寺南臨甬道地形顯敞

更于此營之主
則陰陽 反古始 孫敏表規矩天地
依典禮施行 擬則陰陽 設為

宗祧教人
增春陵園 青溪宅 東觀漢記建武三年
反古復始 上幸春陵祠園廟大

置酒于春陵父老故人為樂 齊書禮志世祖夢太祖
云宋氏諸帝嘗在太廟從我求食可別為吾祠上乃敕

豫章王妃庾氏于清溪宮舊宅奉祠二帝二后用家人禮

殷三宗

漢七祖

劉歆

議殷太甲為太宗武丁曰高宗太戊曰中宗朱子奢立廟議劉子駿議開七祖

五行舞

七德歌

文獻通考漢宣帝尊漢孝武為世宗廟奏盛德文始五行之舞白居易樂府七德舞七德歌

傳自武德至元和

香燈官

宮闈令

文獻通考太廟時享儀注有薦香燈官又曰

宮闈令開室拂神幄

入錢穀

設果恩

漢書王莽時博徵天下工匠諸國畫及吏民以

義入錢穀助作以起太廟續文獻通考金海陵天德元年六月太廟初設四神及四隅果恩

擇吉

區

致良工

嘉靖十四年起新廟十五年廟成詔曰朕創昭穆羣廟以祀祖宗彰太祖為專尊之

廟復作太宗廟于羣廟之外表功德不遷享百世紀更創獻皇帝廟別擇吉區以避渠道止脩時祭以避豐禰

之嫌 文獻通考初造
太廟之時官致良工

原稱廟稱宮

用栗用桑 公

傳世室屋壞世室者何魯公之廟也周公稱太廟魯公稱世室羣公稱宮此魯公之廟也曷為謂之世室世世不毀也 又曰作僖公主者何為僖公主也主者曷用虞主用桑練主用栗用栗者藏主也注喪主于虞吉

主于

貴室下室

蒼楹黼楹

文王世子諸父諸兄守貴室子弟守下室而讓

道達

穀梁丹桓宮楹禮天子諸侯黼聖大夫蒼士黼丹楹非禮也

親割親春

為酒

為醴

穀梁太室屋壞者譏不修也太室猶世室也周公曰太廟伯禽曰太室羣公曰宮禮宗廟之事君親

割夫人親春敬之至也為社稷之主而先君之廟壞極稱之志不敬也 毛詩為酒為醴烝畀祖妣鄭箋烝進

也畀予也言豐年所獲之稅釀酒為醴進于先祖先妣以會百眾之禮也

因時而祭 有

閏加祠

春秋繁露古者歲四祭四祭者因四時所生之物熟而祭其先祖父母也漢舊儀原廟一歲

十二祠有閏加一祠皆用太牢

雁集殿前

光明殿

漢郊祀志以立世宗廟告

祠孝昭寢有雁五色集殿前廣川國世宗廟殿上有鍾音門戶大開夜有光殿上盡明

光興如

燭

札變為金

西河築世宗廟神光興于殿旁有烏如白鶴前赤後青神光又興于房中如燭

狀白馬持尺一札賜將作匠曰賜汝金一斤忽不見札

乃變為金秤有一斤

太卜泣譽

司巫匣主

太卜泣譽主軍器注器鼓鐸主遷主

主周禮司巫祭祀則共匣注匣器名主謂木主也

采椽貴儉

桑主不文

漢書

茅屋采椽貴儉也禮桑主不文吉主皆刻士虞

增歌兒吹樂

京尹侍祠

文獻通考漢惠五年思高祖之常樂沛以沛宮為高祖廟高祖所教歌兒百二十人皆令為吹樂後有闕輒補

之 又曰漢光武建武十九年大司徒戴涉等議宣元二帝尊為祖父可親奉祠成帝以下有司行事于是洛

陽高廟四時加祭孝宣孝元凡五帝其西廟成哀平三帝主四時祭于故高廟東廟京兆尹侍祠冠衣車服如

太常祠于 遷饌幕殿 安延聖寺 元史至元八年八陵廟之禮

易言告于列室而後修奉遷粟主金牌位與舊神主于饌幕殿工畢安奉自是修廟皆如之 續文獻通考金

海陵天德四年次中京使使奉遷太廟神主時有司言燕京興建太廟復立原廟原廟始于漢惠帝不聞薦享

之禮今兩都告享宜止於燕京取建原廟行事于是名其宮曰衍慶殿曰聖武門曰崇聖貞元三年權奉安太

廟神主于 原天子造乎禰 王者禘其祖 王制鄭注延聖寺 造祭名也

禮大傳鄭注禘大祭也
大祭其先祖所由生也

宗廟四

原必告

文王世子五廟之孫祖廟未毀雖為庶人冠娶妻必告死必赴

為先

曲禮將營宮室

宗廟為先

廟名

帝王世紀漢景帝廟名德陽宣帝廟名長壽武帝廟名龍淵文帝廟名顧成昭帝廟

名排細

廟飾

明堂位山節藻梲復廟重檐刮楹達鄉反站出尊崇站康圭疏屏天子之廟飾也

增正祭

告祭

文獻通考古者宗廟之祭有正祭有告祭皆人主親行其禮

私

廟

又曰憲宗元和十年太子少傅判太常卿鄭餘慶請立私廟將祔四代神主

家廟

又曰宋仁

宗慶歷元年詔中外文武官並許創立家廟

極廟

史記秦始皇更命信宮為極廟象天柱

親廟

孔帖唐高祖廟將祔主于廟帝詔有司詳議尚書共奏自春秋以來言天子七廟諸侯五大夫三士

二惟親親尊尊為不可易之法請建親廟

原展孝思

六詔可乃祔弘農府君高祖神主為六室

孝經春秋祭祀以時思之鄭注寒暑變

重先祖

白虎通王

移益用增感以時祭祀展其孝思也

者祭宗廟親自取禽者

稱孝孫

郊特牲祭稱孝孫孝子以其義稱也注謂

事祖

稱曾孫

郊特牲稱曾孫某為國家也注謂諸侯事五廟也于曾祖以上稱曾孫而已

成則釁

雜記成廟則釁之饗人舉羊升屋自中剗羊血流于前乃降釁于屋下路寢成則考之而

不釁釁屋者交

仁不毀

左傳昭十八年鄭子產為火故乃簡兵大蒐將為蒐除子

神明之道也

大叔之廟在道南其寢在道北使除徒陳于道南廟北曰子產過汝而命速除乃毀于而鄉子產朝遇而怒之

除者南毀子產使從者止之曰毀于北方注言子產仁不毀人廟

無虛主

曾子問當七廟五廟

無虛主惟天子崩諸侯薨則祝取羣廟之主而藏諸祖廟禮也

有二主

齊桓公孟舉兵作僞主以

行其反薦諸祖廟廟有二主自桓公始也

增享德廟

崇尊廟

唐書禮樂志則天皇

后僭號稱周立周七廟于東都以祀武氏改西京唐太宗廟為享德廟中宗復位遷武氏七廟于西京為崇尊

廟

原昭孝通神

漢書祀者所以昭孝事祖通神明也

露濡霜降

禮記祭義

君子合諸天道春禘秋嘗霜露既降君子履之必有悽愴之心非其寒之謂也春雨露既濡君子履之必有悽愴之心如

上下之際

神明之道

禮記祭統祭有辨蟬胞翟聞者惠下

之道也此四者吏之至賤者也尸又至尊以至尊既祭之味而不忘至賤是故明君在上則無凍餒者也此之

謂上下之際又云鋪筵設同几為依神也
詔祝于室而出于祊此交神明之道也

敬不忘親

孝經宗廟致敬不忘親也

主亦盡敬

北堂書鈔宗廟之主以木為之長尺二寸孝子入宗廟之

中雖見木主亦當盡敬

見位聞聲

祭義祭之日入室儼然必有見乎其位出戶而聽愜然必

有聞乎其歎息之聲

獻禽享祔

周禮大司馬之職遂以苗田如蒐之法車幣獻禽以享祔注祔

宗廟之夏祭也冬夏田主于祭宗廟者陰陽始起衆神之在內

享祀不忒

毛詩春秋匪懈享祀

不忒鄭箋忒變也

祀事孔明

毛詩苾苾芬芬祀事孔明鄭箋既有牲物而進獻之苾苾芬芬

然香祀禮于是則甚明也

二王助祭

毛詩序振鷺二王之後來助祭也振鷺于飛于彼西雍我

客戾止亦有斯容鄭箋白鳥集于西雍之澤言所集得其處也喻祀宋之君有潔白之德來助祭于周之廟得

禮之諸侯助祭漢書元始五年春祫祭明堂諸侯王

百餘人徵助祭禮畢皆益戶賜駿奔在廟毛詩駿奔

顯不承無咸來助祭續漢書明帝永平二年正月宗

時羣僚藩輔宗室子孫衆郡奏計白虎銜肉漢武故

立孝武廟于東宮告祠日見白虎銜肉白鶴集庭漢

郊祀志宣帝即位由武帝正統興故立三年尊孝武廟

集後太常嚴譴晉元康四年大風後廟闕屋瓦數傾

皆謂事輕有司修除周禮廟則有桃則黜堊又有桃

責重也有司修除司修除之

司勳

鑿供雞牲

祭祀面禳
鑿供雞牲

奏築復道

漢書文帝東
朝太后長樂

官數蹕煩人作復道武庫南叔孫通奏曰陛下何自築
復道高帝寢衣冠月出遊高廟子孫奈何乘宗廟道上

行哉帝懼曰急壞之通曰人主無過舉願為原廟渭
北衣冠出遊之益廣宗廟大孝之本帝乃立原廟

奏鑿廟堦

晁錯為內史府居太上廟堦中東出不便錯
乃穿門向南出鑿廟堦垣中申屠嘉奏錯鑿

廟垣為門上曰
非廟垣乃堦中

主出必蹕

主出廟入
廟必蹕

師行遷主

子曾

問古者師行必以遷廟主行孔子曰天子巡狩以遷廟
主行載于齊車言必有尊也今也取七廟主以行則失

之
增二十五祀

文獻通考漢制
廟歲二十五祀

二十四戰

明初建
四親廟

于闕左東西有夾室有廡三門門設
二十四戰繚以周垣略如都宮之制

共殿異室

許敬
宗議

唐家宗廟共殿異室以右為首若奉遷主納右夾
室而得尊處祈之禱之未絕也有詔如敬宗議
先

臣後君

陳貞節傳開元五年太廟壞伊闕男子孫平子
上書曰陛下未祭孝和先祭太上皇先臣後君

先弟後兄且武后篡國孝和中興有功今內
主別祠不得列乎世不可臣請遷孝和還廟
在右為

尊

宋史翰林學士元絳等請以僖祖之廟為太祖而韓
維等請以藝祖為太祖帝以維之說近是而安石以

維言夾室在右為尊
為非禮帝亦然之

非宗不毀

後漢書明帝即位以
光武撥亂中興更為

起廟號曰世祖廟元帝于光武為
得故雖非宗不毀也後遂為常

太祖以功建昭

穆以親崇

唐書禮樂志中宗時博
士劉成慶尹知章議

原九命辨儀牲

牢異數 孝因順立 禮以備成 宗廟本仁 祭祀

首義 追遠誠謂孝思 違禮則乖敬饗 在首義而

或愆 於時思而何有 諸侯不得祔于天子

喪服小記諸侯

早故不得祔于天子也

天子諸侯可祔于士

鄭注人莫敢早其祖也

孝

自中出祭宜無怠 禮由外作物必有常 孝感于時

雖云罔極 祭不以禮豈曰無違 雨露既濡必有若

思之貌 春秋匪懈乃虔如在之心

宗廟五

增賦唐杜甫朝享太廟賦曰太尉駢乘司僕扈蹕望重

闔以肅恭順法駕之徐疾公卿淳古士卒精一黜宗廟
之愈深抵職司之所密宿翠華于外戶曙黃屋于通術
氣淒淒于前旒光靡靡而嘉粟階有賓昨帳有甲乙升
降之際見玉柱生芝擊拊之初覺鈞天合律簫簫佗以
碣磬干戚宛而婆娑執鼓壘簫為主鐘磬等瑟以之
和雲門咸池取之至空桑孤竹貴之多八音循通既比
乎旭日升而氛埃滅萬舞陵亂又似乎春風壯而江海
波鳥不敢飛而元甲嶸嶸以岳峙象不敢去而鳴珮剡

燭以星羅已而上乾豆以登謁美休成之既享璧玉儲
精以稠疊門闌洞豁而森爽黑帝歸寒而激昂蒼靈戒
曉而來徃熙事萃而充塞羣心麇以振蕩桐花未吐孫
枝之鸞鳳相鮮雲氣何多宮井之蛟龍亂上蓋我后常
用惟時克貞膺以蕭合酌以茅明嘏以慈告祝以孝成
故天意張皇不敢殄其瑞神姦妥帖不敢秘其精而撫
絕軌享鴻名者矣予以奏永安予以奏王夏福穰穰于
絳闕芳菲菲于玉聲沛枯骨而破聾盲施殀胎而逮鰥

寡園林動色躍在藻之泉魚弓劍皆鳴汗鑄金之風馬
霜露堪吸禎祥可把曾宮款款陰事儼雅薄清輝于鼎
湖之上靜餘饗于蒼梧之野窅然漠漠惕然兢兢紛益
所慕若不自勝瞰牙旗而獨立吟翠駁而未乘五老侍
祠而精駭于官逖聽而思凝

原詩宋孔欣祠太廟詩曰東帶從王事結纓奉清祀肅
肅禁闈內翳然絕塵軌戔戔高堂上層構鬱雲起明發
修薦享矜悚不遑止磬折階廊間悽悽常靡已 梁張

率太廟齋夜詩曰潔齋謝紛華寂寥清廟靜肅襟視牲
盛端服侍嚴省 增明高啓夜宿太廟詩曰烏散廟堦
空清香肅闕宮太常齋禁密列祖享儀崇井叩銅瓶月
墀鳴玉珮風聽鐘候車駕庭燎已燵燵

原歌宋顏峻七廟迎神歌曰敬恭明祀孝道感通合樂
維和展禮有容六舞肅列九變成終神之來思享茲潔
衷靈之往矣綏我家邦 增謝莊宋世祖廟歌二首帝
錫二祖長世多祐於穆睿考翼聖承矩元極弛馭乾紐

陸緒闢我皇維締我宗宇刷定四海肇構神京澤物九
有化孚八瀛慶雲承掖甘露飛甍肅肅清廟徽徽闕宮
舞蹈象德笙磬陳風黍稷非盛明德惟崇神其歆止降
福無窮 稟祥月輝毓德軒光嗣徽嫺汭思媚周姜母
臨萬寓訓謁紫房朱干玉籥式載瓊芳 齊王儉齊太
廟樂歌悠悠草昧穆穆經綸動戡危亂靜比斯民誕膺
休命奄有八寅握機肇運光啓禹服義滿天淵禮昭地
軸偃風裁化恒日敷祥信星含曜秬草流芳七廟觀德

六樂宣章惟先惟敬是享是將 太姒嬪周塗山儷禹

我后嗣徽重規疊矩肅肅闕宮翔翔雲舞有享德馨無

絕終古 多難固業殷憂啓聖帝宗纘武維時執競起

柳獻祥百堵興詠義雖祀夏功符受命遠無不懷邇無

不肅其儀濟濟其容穆穆赫矣君臨昭哉嗣服允 惟

后膺此多福禮以昭事樂以感靈八簋陳設六舞充庭

觀德在廟象德是形四海來祭萬國咸寧 梁沈約梁

宗廟登歌曰殷兆玉筐周始邠王於赫文祖基我大梁

肇七十奄有四方帝軒百祀人思未忘永言聖烈祚

我無疆猗歟至德光被黔首鑄鎔蒼昊甄陶區有恪

恭三獻對揚萬壽比屋可封含生無咎匪徒七百天長

地久祀典昭潔我禮莫違八簋充室六龍解駢神宮

肅肅靈寢微微嘉薦既享景福攸歸至德光被洪祚載

輝原北周庾信太廟晨禋歌曰永惟神武潛慶靈長

龍圖革命鳳歷歸昌功移塹德耀中陽清廟肅肅猛

虞趙趙曲臺大厦聲和盛唐牲牷蕩滌蕭合馨香和鸞

戾立振鷺來翔永敷萬國是則四方 增隋牛弘隋太
廟樂歌曰惟皇肅肅有來雍雍雕梁霞複繡棹雲重觀
德自感奉璋伊恭彝尊盡飾羽綴有容升歌發藻景福
來從 祭本用初祀由功舉駿奔咸會供神有序明酌
盈尊豐犧實俎幽金既薦績錯維旅享由明德香非稷
黍載流嘉慶克固鴻緒 締基發祥肇源興慶迺仁迺
哲克明克令庸宣國圖善流人詠開我皇業七百同盛
皇條駿茂帝系靈長豐功疊軌厚利重光福由善積

代以德彰嚴恭盡禮永錫無疆 盛才必達丕基增舊

涉渭同符遷邠等構弘風邁德義高道富神鑒孔昭王

猷克懋 神道正直祀事有融肅雍備禮莊敬在躬羞

燔已具奠醑將終降祥惟永受福無窮 饗禮具利事

成佇旒冕肅簪纓金奏終玉俎徹盡孝敬窮嚴潔人祇

分哀樂半降景福憑幽贊 原唐陳叔達太廟裸地歌

曰清廟既裸鬱鬯惟禮大哉孝思嚴恭祖禰龍衮以祭

鸞刀思啓發德朱弦升歌丹陛筵享梁盛堂斟沈齊降

福穰穰來儀濟濟 褚亮宗廟九德之歌曰皇祖誕慶

於昭于天積德斯遠茂緒攸先繼天應歷神武弘宣肇
迹媯水成功坂泉道光覆載聲穆乾元式備犧象用潔
牲牷禮終九獻樂展四懸神貺景福遐哉永年 增唐

太宗享太廟樂章曰濬哲維唐長發其祥帝命斯祐王
業克昌配天載德就日重光本支百代申錫無疆 五

紀更運三正遞升勛華既沒禹湯勃興神武命代靈睭
是膺望雲彰德察緯告徵上紐天維下安地軸徵師涿

野萬國咸服偃仰靈臺九宮允穆殊域委贄懷生介福

高宗享太廟樂章曰五運改卜千齡啓聖彤雲曉聚

黃星夜映葉闡珠囊基開玉鏡下臨萬寓上齊七政霧

開三象塵清九服海潤星暉遠安邇肅天地交泰華燁

輯睦翔泳歸仁中外禔福 承天撫錄纂聖登皇遐清

萬寓仰協三光功成日月道濟時康璇圖載永寶歷斯

昌日月揚輝煙雲爛色河嶽修貢神祇效職舜風攸偃

先曦先就睿感通寰孝思浹宙奉揚先德虔尊曩狩展

義天扃飛英雲岫化逸王表神凝帝先乘雲厭俗馭日
登元 唐享太廟舊樂章曰七廟觀德百靈攸仰俗荷
財成物資含養道光執契化籠提象肅肅雍雍神其來
享 五聲備奏三獻終祠車移鳳輦旆轉虹旗禮周籩
豆誠效虔祇皇靈徙蹕簪紳拜辭 中宗享太廟樂章

曰炎馭失 網土德承天命英猷被寰宇懿躅隆邦政
七德已綏邊九夷咸底定景化覃遐邇深仁洽翔泳
祠容既畢仙座爰興停停鳳舉藹藹雲昇長隆寶運永

錫休徵福覃貽厥恩被黎烝 明皇享太廟樂章曰聖

謬九德真言五千慶集昌胄符開帝先高文杖鉞克配

彼天三宗握鏡六合渙然帝其承祀率禮罔愆圖書霧

出日月清懸舞形德類詠諡功傳黃龍蜿蜒彩雲蹁跹

五行氣順八佾風宣介此百祿於皇萬年 六鐘翕協

六變成八佾徜徉八風生樂九韶兮神人感美七德兮

天地清 總總干戚填填鼓鐘奮揚增氣坐作為容離

若鷖鳥合如戰龍萬方觀德肅肅雍雍 宋建隆享太

廟樂章曰元鐘九千于仲呂崇臺九層起于累土赫
日之升明夷為主孝孫作帝式由祖武明明我祖積
德攸宜肇繼瓜瓞將隆本支爰資慶緒式昭帝基於穆
清廟永洽重熙艱難積行綿長鍾慶同人之時得主

乃定既序宗祧乃修舞詠經武開先永昭丕命猗歟

太祖命受于天化行區宇功溢簡編武威震耀文德昭

宣開基垂統億萬斯年赫赫皇運明明太宗四隩咸

暨一變時雍睿文炳煥聖德溫恭千齡萬祀永播笙鏞

嘉粟旨酒博膾牲牷神鑒孔昭享茲吉蠲夙夜絜祀
孝以奉先永錫純嘏功格于天 已象文治乃觀武成
進退可度威儀克明 元宗廟樂章曰天垂靈顧地獻
中方帝力所拓神武莫當陽谿昧谷咸服要荒昭孝明
裡神祖皇皇 雄武軍威滋多歷年深謀遠略協贊惟
專流沙西域餞日東邊百國畏服英聲赫然 三朝承
休恭已優游欽繩祖武其德聿修帝懋錫壽德澤期周
蠲饗惟薌祈饗于幽 龍躍潛居風雲會通知民病苦

軫念宸衷夔門之旅繼志圖功俎豆敬祭華儀孔隆
增議漢師丹為共王立廟議曰聖王制禮取法于天地
故尊卑之禮明則人倫之序正人倫之序正則乾坤得
其位而陰陽順其節人主與萬民俱蒙祐福尊卑者所
以正天地之位不可亂也孝成皇帝聖恩深遠故為共
王立後奉承祭祀今共皇長一國太祖萬世不毀恩義
已備陛下既繼體先帝持重大宗承宗廟天地社稷之
祀義不得復奉定陶共皇祭入其廟今欲立廟于京師

而使臣下祭之是無主也又親盡當毀空去一國太祖
不墮之祀而就無主當毀不正之禮非所以尊厚共皇
也 唐權德輿遷廟議曰今年夏四月禘饗于太廟令
百僚議太祖景皇帝東嚮之位并遷廟之位議曰臣聞
太祖始封之重當殷祭東嚮之尊百代不遷下統昭穆
此孝饗嚴禋之極制也周自后稷十六代至武王毀廟
遷主皆太祖之後故序列昭穆合食無嫌漢之太上皇
主座于園寢尋置別廟是為屬尊故周漢皆太祖之位

正自魏至隋則虛其位以待太祖後以短祚其禮不申
武德中立親廟四自宣簡公而下貞觀中立七廟六室
自弘農府君而下開元中始制九廟追尊獻祖懿祖故
自武德至于開元太祖在四廟七廟九廟之數廣德二
年將及殷祭有司以二祖親盡當遷太祖九室既備其
年冬祫于是正太祖于東向藏二主于夾室凡十八年
矣建中二年冬祫有司議以獻祖居東向懿祖為昭太
祖為穆此誠乖疑倒置之大者也議者或引春秋禹不

先鯀湯不先契文武不先不窋以為證且湯與文武皆太祖之後理無所疑至于禹不先鯀安知說者非啓與太康之代而左丘明因而記之耶向者有司以二主藏夾室非宜則可闕殷祭非敬則可處東向之位則不可以貞元八年百僚集議前後異同有七家之說臣等審細討論惟制別廟及祔于德明興聖二說最為可據德明興聖之廟猶別廟也等于初立此又易行伏以德明皇帝于舜禹之際與稷契同功契後為殷向五百年

稷後為周逾八百年德明流光無窮啓皇運于後景福
靈長與天地準又獻懿二祖于興聖皇帝為曾為玄猶
周人祔于先公之祧也此亦亡于禮者也明尊祖之道
正大祭之義禮文典祀莫重于是 朱子奢立廟議曰
臣謹按漢丞相韋元成奏立五廟諸侯同 劉歆議開
七祖邦君降二鄭司農踵元成之轍王子雍揚國師之
波分塗並馳各相師祖遂令歷代祧祀多少參差愚以
為諸侯立高祖以下并太祖五廟一國之貴也天子立

高祖以上并太祖七廟四海之尊也降殺以兩禮之正
焉伏惟聖祖在天山陵有日祔祖嚴配大事在斯宜依
七廟用崇大禮若親盡之外有王業者如殷之玄王周
之后稷尊為始祖儻無其例請三昭三穆各置神主太
祖一室考而虛位將待七百之祚遞遷方處庶上依晉
宋傍愜人情 顏師古寢廟議曰伏奉詔旨欲太原立
高祖寢廟博達卿士詳悉以議聞伏惟聖情思廣烝嘗
事深追遠但究觀祭典宗廟皆在京師不欲下土別置

至若周之豐鎬並為遷都乃是因事更營非云一時俱立其郡國造廟爰起漢初率意而行大違典制是以貢禹韋元成匡衡等招聚儒學博謀廷議據此陳奏遂從廢毀自斯以後輟而弗為今若增立寢廟別安主祔有乖先古靡率舊章垂裕後昆理謂不可固宜勉割深衷俯從大禮 宋宋祁祖宗配侑議曰臣等聞王者建廟祔之嚴合昭穆之綴祖一而已始受命也宗無豫數待有德也由宗而下等胄之疏戚以為迭毀之制昔成湯

為商之祖太甲大戊武丁實號三宗后稷為周之祖文
王武王庸建二祧高帝為漢之祖孝文孝武特崇兩廟
皆子孫世世奉承不輟我皇伯祖經綸草昧遂有天下
功宜為帝者之祖皇祖勤勞制作皇考財成治定德宜
為帝者之宗三廟並萬世不遷宣布天下以示後世
朱熹論古今廟制 制天子七廟三昭三穆與太祖之
廟而七諸侯大夫士降殺以兩而祭法又有適士二廟
官師一廟之文大抵士無太祖而皆及其祖考也其制

皆在中門之左外為都宮內各有寢廟別為門垣太祖
在北左昭右穆以次而南天子太祖百世不遷一昭一
穆為宗亦百世不遷二昭二穆為四親廟高祖以上親
盡則毀而遞遷昭常為昭穆常為穆諸侯則無二宗大
夫又無二廟其遷毀之次則與天子同漢承秦敝不能
深考古制諸帝之廟各在一處不容合為都宮以序昭
穆貢禹韋元成匡衡之徒雖欲正之而終不能盡古今
之制旋亦罷廢後漢明帝又欲遵儉自抑遺詔毋起寢

廟但藏其主于光武廟中更衣別室其後章帝亦復如
之後世遂不敢加而公私之廟皆為同堂異室之制自
是以來更歷魏晉下及隋唐其間非無奉先思孝之君
据經守禮之臣而皆不能有所裁正其弊至使太祖之
位下同子孫而更僻處于一隅既無以見其為七廟之
尊羣廟之神則又上厭祖考而不得自為一廟之主以
人情而論之孝子順孫之心于此宜亦有所不安矣肆
我神祖始獨慨然深詔儒臣討論舊典蓋將以遠迹三

代之隆一正千古之謬甚盛舉也不幸未及營表世莫
得聞秉筆之士又復不能特書以詔萬世今獨具見于
陸氏之文然其所論昭穆之說亦未有定論獨原廟之
制外為都宮而各為寢門垣乃為近古但其禮本不經
儀亦非古故儒者得以議之然不知其所以致此則由
于宗廟不立而人心有所不安也不議復此而徒欲廢
彼亦安得為至當之論哉今公私之廟皆為同堂異室
以西為上之制而無左昭右穆之次一有遞遷則羣室

皆遷而新死者當入于其禰之故室矣此乃禮之大節
與古不同而為禮者猶執祔于祖父之文似無意義然
欲遂變而祔于禰廟則又非愛禮存羊之意竊意與其
依違牽制而均不免為失禮曷若獻議于朝盡復公私
之廟皆為左昭右穆之制而一洗其繆之為快乎韋元
成劉歆廟數不同班固以歆說為是今亦未能沒其是
非姑兩存之至于遷毀之序則昭常為昭穆常為穆蓋
祔昭則羣昭皆動而穆不移祔穆則羣穆皆移而昭不

動陸佃非之曰昭穆者父子之號昭以明下為義穆以
恭上為義方其為父則稱昭取其昭以明下也方其為
子則稱穆取其穆以恭上也豈可謬哉壇立于右墀立
于左以周制言之則太王親盡去右壇而為墀王季親
盡去左祧而為壇左右遷徙無嫌蓋昭穆本以廟之居
東居西主之向南向北而得名初不為父子之號也又
況昭穆之分自始封以下入廟之時便有定次後雖百
世不復移易而其尊卑則不以是而可紊也故成王之

世文王當穆而不害其尊于武武王為昭而不害其卑于文非謂之昭即為王考謂之穆即為考廟也佃又言假令甲于上世之次為穆今同堂合食實屬父行乙于上世之次為昭今同堂合食實屬子行則甲宜為昭乙宜為穆豈可遠引千歲以來世次覆令甲為右穆乙為左昭以紊父子之序乎此亦不曉前說之過也蓋昭穆與之次既定則其子孫亦以為序禮所謂昭與昭齒穆與穆齒傳所謂太王之昭王季之穆文之昭武之穆者是

也如必以父為昭而子為穆則泰伯虞仲乃太王之父而文王反為管蔡魯衛之子矣而可乎


原頌後漢王粲太廟頌曰思皇烈祖時邁其德肇啓洪源貽燕我則我休厥成聿先厥道丕明丕欽允時祖考

於穆清廟翼翼嚴休徵祁祁髦士厥德允升懷想成位咸奔在宮無思不若永觀厥崇綏庶邦和四字九功

備彝樂序建崇牙設璧羽六拊奏八音舉昭大孝衍妣

祖念武功收醇祐後魏肅宗廟頌曰明德惟馨昊

天子之眷祐我魏薄言起之起之伊何黎元時雍子之
伊何歷數在躬於乎盛哉神明是通 湛湛甘露濟濟
醴泉或涌于地或降于天天地交泰品類蕃蕪祥瑞嘉
應其集如雨屢獲豐年穀我士女祖考既饗於懽樂胥



御定淵鑑類函卷一百六十九